

LE POESIE "ROSA" DI ELVIRA

La Scalinata

Rugola zo da sti scalini
una ventada de aria Rosa
e noialtre, come butini,
la ciapemo ferme in posa.
L'è n'arieta calda calda
la ne cambia un pò l'umor
l'è un tepor che ne riscalda
che a la vita dà vigor.
Così torna la speranza:
l'à cambiado de color
se un scalin l'è za calcosa
par noialtre superar
Scalinada tuta Rosa
l'è li pronta da scalar.

La Torre

Stasera da la Tor
no sbrissia zo aqua
che bagna, che core, che và
ma solo i segreti
che le done le gà.
Al scuro, nel silenzio
te senti besbeiar
speremo, cissà
doman se vedarà.
Ma quando la Tor
la se farà Rosa
e la strada se illuminarà
in noialtre cambiarà calcosa
deventaremo aqua, aqua Rosa
aqua che core, che lava tutti i
"cissà"
e che gnissun mai fermarà.

L'Arena

I l'a vestia de rosa,
l'Arena , stasera,
dobada de lustrini
l'è tuta un slusegar,
par che la rida
l'Arena, stasera
e'l so sorriso caldo
te'l senti ne l'aria,
l'è 'n augurio de speranza
che se alsa verso 'l ciel,
dopo, ghe pensarà el vento
portarlo pa 'el mondo.